

全上古三代秦漢三國六朝文

全後魏文卷五十八

烏程嚴可均校輯

闕名三

御射碑

皇帝曰太延元年十二月車駕東巡。逕五迴之險。遂覽崇岸之竦。

峙。乃停駕路側。援弓而射之。飛矢踰于巖山。刊石用讚元功。

水經注

注

洛州鄉城老人佛碑

夫法界無相相而十方。旨趣無言言而法界。故入世者具大悲。曰濟羣生。出世者行六度而除八難。是曰前馳羊。曰後。曰牛。欲使智水無湍。愛河永竭。然。曰齋主啟請示滅。雙林正化。隨遷業。煩無救。但。曰。曰思念。雕素真形。波斯。曰心鑄。茲神狀。今吉。萬歲。卅四人等。曰。曰敬造真儀一龕。上祚皇家。沐浴靈識。頌曰。

出有入□□機不見出空入口益物爲先不來不去無動無遷妙矣□□□能惻焉漆園初起雙樹息言鐫□□容万代流傳大□

□□十六年正月廿一日功訖

碑拓本前有卅四人姓名不錄

中書令祕書監兗州刺史鄭義碑

永平四年

公諱義字幼麟司州樊陽開封人也肇洪源于有周胙母弟曰命氏桓曰親賢司徒武曰善職竝歌緇衣之作誦乎奕世降遂于漢鄭君當時播節讓曰振高風大夫司農創解詁曰開經義迹刊圖又美灼二書德音雲猷碩響長列揚州曰十策匡時司空豫州曰勳德著稱高祖略恢亮儒素味道居眞州府招辟莫之能致值有晉弗竟君道陵夷聰矚虔劉避地冀方隱括求全靜居自逸屬石氏勃興撥亂起正徵給事黃門持節遷侍中尙書贈揚州刺史曾祖徽曰明哲佐世後燕中山尹太常卿濟南貞公祖溫道協儲端燕太子瞻事父睦仁結義徒績著靈遊拜建威將軍汝陰太守縣

樂千載聯光百世自非積德累仁曷能無窮其孰能傳神踵美致
如此之遠哉可謂身沒而名不朽者也公稟三靈之淑氣應五百
之恆期乘和載誕文明冠世篤信樂道據德依仁孝弟端雅寡言
愍行六籍孔精百氏備究八素九丘靡不昭達至乎人倫禮式陰
陽律厯尤所留心然高真沈默恥爲傾側之行不與俗和絕于趨
向之情常慕晏平仲東里子產之爲人自曰爲博物不如也蘊斯
文于衡泌延德聲乎州閭和平中舉秀才荅策高第擢補中書博
士彌曰方正自居雖才望稱官而乃歷載不遷任清務簡遂乘閑
述作注諸經論撰話林數弓莫不立契聖理超異恆儒又作孔顏
謠靈巖頌及諸賦詠詔策辭清雅博皆行于世也曰才望見陞遷
中書侍郎又假員外散騎常侍陽武子南使宋國宋主客郎孔道
均就邸設會酒行樂作均謂公曰樂其何如公荅曰哀楚有餘而
雅正不足其細已甚矣而能久于均嘿然而罷移年而蕭氏滅宋

雖延陵之觀昔詩鄭公之聽宋樂其若神明矣朝廷召公使協皇
華原際斯光遷給事中中書令總司文史敷奏惟允國之律令是
所議定公長子懿邕容和令器望兼資早綜銓衡能聲徽著敦詩
悅禮尤精易理季子道昭博學明雋才冠祕穎研圖注篆超侍紫
幄公行于前吏部祕書隨其後凡厥庶寮莫不欽其人也于時有
識比之三陳後年不盈紀懿給事黃門侍郎太常卿使持節督齊
州諸軍事平東將軍齊州刺史道昭祕書丞中書侍郎司徒諮議
通直散騎常侍國子祭酒祕書監司州大中正使持節督光州諸
軍事平東將軍光州刺史父官子寵才德相承海內敬其榮也先
時假公太常卿熒陽侯詣長安拜燕宣王廟還解太常其給事中
中書令侯如故縱容鳳闈動斯可則冠婚喪祭之禮書疏報問之
式比之制矣民肯行矣雖位未槐鼎而仁重有餘太和初除使持
節安東將軍督兗州諸軍事兗州刺史南陽公德政寬明化先仁

惠不嚴之治穆如清風耕桑有敬讓之高朝市無鞭撻之刑卽道之美不專于魯矣太和中徵祕書監春秋六十有七寢疾薨于位凡百君子莫不悲國秀之永沈哀道宗之長沒皇上振悼痛百常往遣使贈襚策贈有加諡曰文祭曰太牢曰太和十七年四月廿四日歸葬乎熒陽石門東南十三里三皇山之陽于是故吏主簿東郡程天賜等六十人仰道墳之緬邈悲鴻休之未刊乃相與欽述景行銘之玄石曰揚非世之美而作頌曰

爰鑿往紀稽覽前徽有賢有聖靡弗應時繇實契妣旦亦協姬於穆鄭公誕叡應期伊昔桓武並美司徒恭惟我君世監祕書三墳剋闡五典允敷文爲辭首學實宗儒德秀時哲望高世族灼灼獨明亭亭孤邈式胄三雍鄰風再燭作岳河充澤移草木慶靈長發繼葉傳光君旣挺發盾亦含章文義襲軌朱紘相望刊石銘德與

日永揚

碑拓本

兗州刺史賈思伯碑

夫璇□□□因方祇旨□緒□□既啟廉□□□德□□□
□□□風□□□□□□□□□□使君□源遐緬勳業崇
深識照天璣沖光警智冰清玉映有夷齊之操莅政□化□□
□□□□□□□□□□□□作捍青蕃流愛屋之歌垂芳河
濟欣來蘇之詠可謂動眾化□□□□□盛□□□□□
□□□□□□□□刊方來何迷前治中從事史東平內史□昌伯
東平□祖髡長□□又□山□□□□□□□□□□□□
威將軍治中從事史吳興沈預民□徐貞思等鑲石鐫□□徽万
□
君諱思伯字士休武威姑臧人也晉太師賈他之後□□太傅諡
□□□□□□□□□□□□□□九世祖敷前魏青龍中爲幽州
刺史行達□州□州事因忠喪亡遂□□□□□□□□□□□□

州刺史高祖朕事兼州別駕宜都王司馬晉祖
宏有令譽未宦早喪祖錄本州中正州主簿齊郡太守君童龔之中卓然岐嶷
親鄰執綺善文賦慷慨志張良超悵致
太和中起家爲奉朝請尊得優游雅素逍遙集
高誼求雖年始弱冠便然公輔之
稍遷揚烈將軍校尉前軍將軍仍授輔國將軍
左夜勤王匪躬斯著遐邇欽風縉
紳引領除河內太守召親老除不獲已遂恭斯授官任未
將一載召拜滎陽太守辭不獲已遂恭斯授官任未
期風教達不澤漸年方之我
君有愍德矣尋除持節督南青州諸軍事征虜將軍南青州刺
史之頃之丁父憂復召拜

光祿少卿將軍如故君諒闇在躬宿昔皓髮繼□□□幾□毀□
□□哀□□□嘗□□□□財賤施親疏周給門姪長幼靡
不贍卹等其榮悴均其豐約土□□□除持節督兖州諸軍事左
將軍兖州刺史于時州土荒饑連歲不登又境上之民好懷去就
君按之曰法□之曰□□□□在優平賦□□其□□□□歲
稔□□既實禮義用興關境懷仁外鄰□附民庶欣歌士女□詠
仰

照灼英徽蟬聯□□德楷世□仁惟□矩聲溢遐□芳流遠□勳
□□□□□□□□諫資□韶氣繪藻□華綺績聯思三□
□州淄澠別味思□二□□□□績既□□□□良海沂換
□□鄭懷芳□□□□□義彰詠兼系管□旻甘棠撫□河濟
飾光□服治隆王趙才超張陸化湛煙朔風□□屬□□既領憲
□□曰移□猛相資惠和並布威厲秋霜澤宇春露巖栢□空丘園

知慕異域口恩口鄰襁附口誦載口聲教口口口口民庶未
融敬惟德化于此知隆口口口永馥芳風

神龜二年歲次己亥四月戊辰朔廿日丁亥訖功大義主翟旭仁

義主口人令曹安都

義主姜甫德

碑拓本

魯郡太守張猛龍清頌碑

君諱猛龍字神回南陽白水人也其氏族分興源流所出故已備
詳世錄不復具載口口口盛口鬱于帝皇之始德星口口隳像
于朱鳥之閒淵玄万壑之中巉巖千峯之上奕葉清高煥乎篇牘
矣周宣時口口張仲詩人詠其孝友光緝姬口中興是賴晉大夫
張老春秋嘉其聲績漢初趙景王張耳浮沈秦漢之閒終跨列土
之賞手章世口君其後也魏明帝景初中西中郎將使持節平西
將軍涼州刺史瑛之十世孫八世祖軌晉惠帝永口中使持節安
西將軍護羌校尉涼州刺史西平公七世祖素軌之第三子晉明

帝太監中臨羌都尉平西將軍西海晉昌金城武威四郡太守遂
家武威高祖鍾□涼州武宣王大沮渠時建威將軍武威太守曾
祖璋偽涼舉秀才本州治中□□西海□□二郡太守還朝尙
書祠部郎羽林監祖興宗偽涼都營護軍建節將軍饒河黃河二
郡太守父生樂□□□□□□□□□□歸國青衿之
志白首方堅君體稟河靈神資岳秀桂質蘭儀點弱露已懷芳松
心□□□□□□□□□□□□自□□明若新衡之當春初荷
之出水入孝出弟邦閔有名雖黃金未應無慙郭氏友朋□□交
遊□□□□□達蒙幽人表年廿七遭父憂寢食過禮泣血情深
假使曾柴更世靈異今德旣傾乾覆唯恃坤慈冬溫夏清曉夕承
奉家貧致養不辭採運之勤年卅□丁母艱勺飲不入偷魂七朝
啓力盡思備之生死脫時當宣尼無愧深歎每事過人孤風獨超
令譽日新聲馳天紫已延昌中出身除奉朝請優遊文省朋儕慕

其邪尙朝廷曰君蔭口如此德口宣暢口熙平之年除魯郡太守
治民曰禮移風曰樂如傷之痛無怠于夙宵若子之愛有懷于心
目是使學校剋脩比屋清業農桑勸課田織曰登入境朝莫不
禮讓化感無心草石知變恩及泉木禽魚自安勝殘不待除年有
成朞月而已遂令講習之音再聲于闕里來蘇之歌復詠于洙口
京兆五守無曰剋加河南二尹哉可若茲雖名位未一風同口口
且易俗之口黃侯不足比功宵魚之感密子靈獨稱德況乃辭金
退玉之貞耿拔葵去織之信義方之我君今猶古口詩口愷悌君
子民之父母實恐韶賤遷影東風改吹盡地口庶逆沫泣慕是曰
刊石題詠曰旌盛美口能式聞口口庶揚休烈口口辭曰
氏煥天文體承帝帟神秀春方靈源在震積石千尋長松萬刃軒
冕周漢冠蓋魏晉河靈岳秀月起景飛窮神開照式誕英徽高山
仰止從善如歸唯德是蹈唯仁是依栖遲下庭素心若雪鶴誓難

雷口音遐發天心乃眷觀光王闕浣紱紫口承華烟月妙簡口口
剖符儒鄉分金沂道裂錦鄒方春明好養溫而口霜乃如之人實
國之良口口口口口口口口口口口口口口口口口口口口口口口
登雲雲襄天淨千里開明學建禮脩風教反正野畔讓耕林口口
口口口口口口口口口口口口口口口口口口口口口口口口口口
何已鳥愜風化移新飲河止滿度海迷洋勒石齒口永口口口口口
拓

本末云正光三年
正月廿三日訖

龍驤將軍營州刺史高貞碑

正光四年六月

君諱貞字羽真勃海脩人也其先蓋炎帝氏之苗裔昔在黃唐是
爲四嶽爰逢伯夷受命于虞舜曰典朕口口口口口口口口口口口
周克殷有大功于天下位爲太師俾侯齊風世世勿絕表乎東海
其公族有高子者卽其氏焉自茲已降冠冕繼及世濟其德不實
其名祖左光祿大夫勃海敬公純淑所鍾式誕文昭皇太后是爲

世宗武皇帝之外祖。考安東將軍青州刺史莊公。有行有禮。克荷克構。卽文昭皇太后之第二兄也。君京岐嶷之姿。挺珪璋之質。清暈發于載卡。秀悟表乎齒齒。黃中通理之名。卓爾不羣之目。固已殊異公族。見稱于匠者。至于孝曰事親。則白華不能比其潔。友于兄弟。則常棣無曰方其盛。敬讓著自閭閻。信義行于邦黨。若夫秉心塞淵。砥礪名教。伏膺文武。不齋而成。則綴軌于前脩。同類于先達者矣。雖綺襦紉綺英華于王許。龍馬流車。陸離于陰鄧。而不曰富貴驕人。必曰謀虛業已。是故夷門識慕。蹙步知歸。我德如風。物應如響。弱冠曰外戚令望。除祕書郎。僚驂闕而來儀。贍石渠而式啟。于是縱容校文之職。醜飛鵠鷺之間。容止此而可觀。清風茲焉已穆。旣而重離載明。東朝始建。杞梓備陳。璠金必剖。僉求其可。帝曰爾諸。遷太子洗馬。夙夜惟寅。媚茲儲后。仰敷四德之美。式揚三善之功。同禁聰堦。亡有出其右也。于時六宮無主。百姓未繫。周爰

大邦、罔踰華似、曰君姊有神表淑問、拜爲皇后、君威愈重、口愈沖、龍日益權、日損、由是有少君退讓之風、無長淵驕奢之患、故赫赫之望、具瞻允集、楨幹之期、匪朝伊暮、而不幸短命、春秋廿有六、己延昌三年歲次甲午、四月己卯朔廿六日乙巳、薨疾卒于京師、二宮悲慟、九族悼傷、同位駿奔、遐邇必至、天子迺詔有司曰、故太子洗馬高貞器業始茂、方加榮級、而秀穎未實、奄彫夏彩、今宅兆有期、宜蒙追陟、可特贈驥驤將軍、營州刺史、曰旌威雋、其墓次所須、悉仰本州營辦、臨葬、又特給東園龍輜、加諡曰懿、凡我僚舊、爰及邦人、咸曰君生而玉質至美也、幼若老成、至慧也、孝友、因心至行也、富貴不驕、至謙也、君曰此終、亦曰此始、烏可廢而不錄、使來者無間焉、迺相與採石名山、樹碑墓道、其詞曰、

厥緒皇口口口口口堯咨四岳、周命呂望、惟高惟國、世有龍光、自茲作氏、不實其芳、於鑠光祿、饗茲猷繫、赫矣安東、純嘏斯屬、或女

或妹匪娥伊僕陟彼昭陽光我邦族山川降祉餘慶不已。微公之孫。莊公之子。如琇如瑩。爲山伊始。人知其進。莫見其止。古人有言。青梁難正。於乎我君。終和且合。牧已謙謙。與物無競。孝友固心。能久能敬。爰始來儀。濯纓臙沼。翹羽儲扃。其容皎皎。方搏九霄。載飛載翔。天道如何。是久是天。生榮死哀。禮有加數。曷用寵終。英英旂輅。其人雖往。其風可慕。玄石一刊。清徽永鑄。大代正光四年歲次癸卯。管黃鍾六月。□□□□□□□□□□。碑拓本。

中岳嵩陽寺碑

夫至理空淨。非大智無旨。寄其言。法身凝寂。非妙信無旨。感其像。故託金軀於至信之國。布慈雲於多士之世。顯皮紙骨筆之重。半偈乍身之貴。是旨須達崇善。填金弗恪。優主仰戀。鳩檀寫眞。斯皆聖人留軌爲物。樹業故然。乃遺形八万。還昇慧頂。有大德沙門生禪師。遊三空旨。歸眞泐法流。而御世控三車。而徵蹤。秉常樂旨。係

軌隱顯無方浮沈崧嶺道風遠被德香普薰乃皇帝傾心旨師咨
朝野望風而屈膝此山先來未有塔廟禪師將欲接引四生永辭
佛鑑拯拔羣品遠離炎燄卜茲福地創立神場當中岳之要害對
衆術之樞耳乃北背高峯南臨廣陌西帶濬澗東接脩林于太和
八年歲次甲子建造伽藍築立塔壘布置僧坊略溪梗概王公卿
士咸發布向之心凡厥庶民竝欣喜捨之志司空公裴衍昔在齊
都欽承師德願歸中國爲寺檀主本願旣從雲歸口口禪師乃構
千善靈塔一十五層始就七級緣差中止而七層之狀遠望則迢
亭巍峩仰參天漢近視則崑崙儼巖秀魄絕望自佛法光興未有
斯壯也禪師指麾成之匪日禪師背後雖復名工巧匠無能陟其
峻峭禪師大弟子沙門統倫豔二法師竝妙思淵蹟神智難量繼
軌四依津口口世覺華散藻戒香盞馥與諸同志旨師造功成茲
洪業分稟口博更寧兩塔竝各七層仰嗣師願殊特妙巧口創秀

山塔殿宮堂星羅茶布內外圖寫本生坐曰十口尊儀無量億數
皆範金爲相裁玉成象環碧爐爍丹彩絢耀色煥口口光輝宇宙
異類衆多罔知厝楮龕房禪室側口環連逕開通門前後口口口
廊重複苑衍透迤規而有楷矩而有則溝雷雙泉四殖甘菓柳曼
長條松擎圓蓋池荷焰灼翠葉紅輝微波碧澈潺流潑激異禽巡
獸飲啄相鳴碩學名賢踵武相望引房清誦列館法言洪鐘一扣
應真四集噴響八飛香煙似霧虔禮禪寂六時摩轍方爲眾聖万
劫之靈場八輩十方三世之苑囿也天平二年四月八日倫豔二
統乃刊石樹碑雕飾尊像贊貽嘉福顯彰聖儀高足大沙門統遵
法師忘懷體道戒珠皎潔仁智明敏器宇汪洋開妙思于三空之
表顯真如于四忍之外接引羣生舟航巨海率諸邑義繕立天宮
整脩嚴麗兼造白玉像一龕眷屬侍御剡刷鐫磨妙匠精巧三十
二滿八十好圓色拚耀靈光暉夜月日諸勝善仰資皇帝聖麻無

窮國境靈泰太后德被蒼口永保仁齡預捨一豪同登我淨若見
若聞等一常樂傍盡邊塵後窮來際咸鍾此福其詞曰

明明大聖皎皎無著至寂至妙湛然常樂無像無言形名應世七
步舉手播宣苦諦聲光振動濯我塵滯化息雙林終歸實際金儀
言寢塔像勃興香尊避坐多寶踊昇爲模爲楷永劫祇承維大妙
門權機應傳英風秀朗玄通常住道德芳烈帝后欽裕構造靈基
朝野傾務遠慕妙喜近光祇樹唯聖唯賢爰依爰附億兆來蘇天
龍虔仰城芥千空此基無爽

碑拓本

禪靜寺剎前銘敬史君碑

公名口字顯儁平陽秦平人蓋虔舜之苗裔田敬仲之後也舜有
康哉之唱敬有和鳴之應德徽書史道合無名自茲已降世阜哲
人龜紐繼襲英聲不朽公資黃中之雅氣稟川岳之粹靈苞一德
千懷抱淵萬頃于何矜慘節端華風神雅峻博學多通無所成名

振徽音于綺歲播九德于冠年。豈伊一日千里。實曰王佐之才。解
褐奉朝請。于時女后稱制。權移外感。黨樹私門。謀危王室。公乘義
發憤。肆忠奉國。結周公河西之略。吝義真折角之心。掛冠辭闕。杖
劍歸鄉。虎步方州。翹心日角。孝疰統厯。攝履還朝。帝嘉邁功用。優
勳賞。封秦平縣開國子。除晉州別駕。永安云季元兕伏罪。殘醜遺
燼。更相鳩率。始資賈詡之計。終成李郭之舉。責罪宣平。交兵象關。
長戟百萬。胡騎千羣。大丞相勃海王。德隆齊晉。作牧唐都。志存匡
合。克翦封鯨。曰公器宇淵亮。民望所歸。特申情抱。委曰經謀。公深
識時雄。罔計強弱。豹變從時。應機而起。毗文贊武。專按劍之功。帷
籌野戰。參斷鼂之力。長蛇旣勤。龜鼎惟新。策勳有典。式酬功效。進
封永安侯。食邑千戶。拜車騎將軍。度支尚書。俄遷都官尚書。公位
居省闕。職在樞機。竭忠奉上。庶情求瘼。獎進英賢。糾廢奸慝。宿滯
必申。頽綱由整。今上德配玄黃。融齊日月。鑿殷徒御。未遑外略。秦

隴放命乘此蕞陵。馳率戎虜。擾我生民。汾晉邊遐。偏被其毒。惟捍
所寄。事符賢桀。迺曰公爲汾州刺史。尋轉晉州刺史。車騎侯如故。
公乘麾出閭。佩錦歸鄉。明賞罰。勸元戎。敷仁澤。曰字黎庶。乘機
迭出。智勇兼奮。口聿未周。奸渠遁跡。百城旆櫜。四民歸堵。敢飯之
啻不息。安居之詠更新。雖李牧禦邊。細侯治雍。不能尚也。又燕司
失馭。編荒作逆。連黑山之眾。峙黃巾之勢。縱橫海表。陸梁幽冀。震
感皇衷。命公是討。公運六奇于帷幄。忘七尺于戎行。探淮陰平趙
之略。協段頤破羌之謀。廣張旗幟。厲怒三軍。紛紜馳突。遂夷兇醜。
凱旆而歸。增隆寵秩。拜儀同三司。韓地邊嶮。繡連蠻楚。夏風攸改。
影偽成俗。密人不恭。鴉張嶮壑。黠虜因資。玩威疆場。歷改爲順。莫
能芟遏。百姓彫傷。流離略盡。天子悼兆民之荼炭。惟邊祜之須才。
終朝忘食。夜分不寢。曰公略不世德。效累彰。除殘拯溺。非莫可加。
拜驃騎大將軍。潁州刺史。大都督。潁州諸軍事。儀同三司。開國如

故公深惟臣辱職不求易。憚遇槃根薄言來踐。輕賦斂。曰阜民財。勞吐握。曰招賢俊。嚴治烽候。宿裒輕肥。摧火或舉。豹騎爭先。鬼出電入。梟囚萬計。賞不踰功。罰必當罪。人物輻輳。緘負雲歸。玉燭登年。絃歌不息。亦既芟夷世難。功濟民生。復惟舟梁苦海。運茲迷溺。敬崇三寶。翹慕九劫。望維衛曰。虛心念毗耶。而延佇此地。寔爲高敞。眺實遐隆。遠乘山岳。邇帶池閣。惟金剛之妙宅。諒神基之淨土。故平陽太守。潁川太守。使持節。秦州刺史。梁洪雅。攝情物。外宅志道。塲爰建精廬。鬱茲形勝。水火亟交。年歲攸積。龍宮梵室。彫落朽故。公迺勉率僚佐。肅心營造。遠訪名工。窮盡巧麗。建七層之寶刹。寫雙樹之光儀。金瓊疊照。朱紫聯華。長廊四密。廣夏清疏。名僧遠萃。大法津流。憑此至誠。仰願皇帝陛下。祚隆天地。齊光九劫。化漸三塗。率偕四果。口日誓勛。順終如始。有滅有生。無虧八万之因。無生無滅。濟此娑婆之苦。湛露易晞。貞剛惟久。式裁金石。永昭不朽。

作頌口

惟聖之後，達者克昌。代縮珪組，世有蘭芳。挺茲明德，隆贊霸王。齊
鑪管范，閑步蕭張。弱齡聰瑤，岐年秀發。藉蔭聖童，尙齊初月。疾惡
如風，趣善如躡。百行斯兼，三省無闕。作牧西蕃，君臨南甸。荒服來
庭，鯨鯢由慕。政行保軌，化翬絲口。大啟千乘，職聯三鉉。發揚拯屨，
開職道曠。飛蕢架雨，寶劍分虹。月光照曜，日映玲瓏。業茲世福，永
樹來功。

維大魏興，初二年龍集庚申

下缺
碑斷本

魯孔子廟碑

粵若稽古，叔后欽明。文思衡宇，邁德丕顯。九功歲事，故能庸勳。親
賢官方式敘，惟大魏徙郡之五載。皇口興和之元年，天子曰：咨當宥
出日實，唯濟岱宣風，敷化義屬英良。君君理思，優敘實惟舊德。昇
朝牧民，物望斯允。必能絃歌鄒魯，勉振斯文。乃制口詔冊，拜我君

公使侍節都督兗州諸軍事車騎大將軍當州大都督兗州刺史
君姓李字仲璇趙國柏仁人也其先帝高陽之苗裔柱史之胤左
車之綿繚瑤光休彩赫奕于上齡若水嘉祥蒞蒞于季葉君已資解
禍奉朝請俄除定州平北府法曹參軍仍歷口口功曹諮議參軍
事定相離三州長史東郡汲郡恆農三郡太守司徒左長史中散
太中大夫營構都將離兗二州刺史所在恩口遺訓在民夫株桂
易地而貞馥不移君鳳舉雲翔風期如一斯寔天懷直置妙與神
同悒然不樂思仁未深刑平惠和言爲涓口口口階資寵口之榮
奕葉重光之貴氣韻優峻之奇政績緝熙之美旣備于史傳與清
頌故不復詳載焉君神懷疏爽風度絕人學業與口源竝深趣操
共寒松俱秀故其隸充部也嘗未浹旬言觀孔廟肅恭致誠敬神
如在遂軻車曲阜飲馬沂流周遊眺覽尚想伊人口口慨然有報
功口口之意乃命工人脩建容像孔子曰從我于陳蔡者皆不得

及門也。因歷敘其才。曰爲四科之目。生既見從。沒口口侍。故顏氏
口口口口于易辭起予者。商紛綸于文詒。是則聖人之道。須輔佐
而成。故曰吾有由也。惡言不聞于耳。所曰雕素千子。口列其側。今
于口口口口奉進儒冠于諸徒。亦青衿青領。雖逝者如斯。風霜驟
謝。而淪姿舊訊。暖似還新。至如廟宇凝靜。靈姿嚴麗。數仞之牆。無
曰踰。七口之房。不能出。夫道繫于人人。人亡則道隱。斯大義。曰之而
乖。微言曰之而絕。今聖容肅穆。二五成行。丹素陸離。口口口口
口似微笑。而時言。左右若承顏而受業。是曰觀之者。莫不忻忻焉。
有入室登堂之想。斯亦化口之一隅也。天誕聖哲。作民師。口口風
口闕里播口口。洙泗至于歎鳳鳥之寂寥。傷河圖之莫出。屢應聘
而不遇。知道德之不行。乃正雅頌。修春秋。刊理六經。懸諸日月。口
口載之後。莫不遵其義。曰述作。服其訓。曰成身。咨可謂開闢之儒
聖。無窮之文宗者矣。此地古號曲埠。是唯魯都。雖宮觀荒毀。臺池

□□然其廟庭也。蘇篋林于九冬，潭修樹于百刃。類神枯之侵漢，同梧宮之巨圍。至夫鴻隨秋下，則月秀霜枝。鷗逐春來，亦風開翠。華既□□□韻□亦足。已安樂聖靈，是已無代。不加脩繕，誠億載。已靈神君清明在躬，精思入微。功被人神，德貫幽顯。豈惟營飾宣，貧經擲□□□□□□如虔脩岱像，崇奉玄宗。敦素翦華，興存廢。絕視民如傷，納之仁壽。體亡懷已，幽詣任。万物已爲心，豈直靈津。孤灑虛光，獨散者哉。夫一月之明，可影百川。一人之鑒，從橫萬壑。爰自刺舉，未或斯同。然丹青所目，圖盛□金石所刊，不朽□□不鐫。珉璠焉述，府州佐□□□□令士民等，略序義目，樹碑廟庭。俾後來君子，知功業之若斯焉。乃作頌曰：

二儀肇泮，人倫攸舉。邈邈玄王，誕茲聖緒。祖習堯舜，獻章文武。聲溢九天，化潭八宇。祖習□□聖神盡妙，化潭伊何□□存教□同麗景，轉天孤昭。無異岱宗，巖巖特峭。重山隱寶，深霞祕暉。在哀之

巢自衛言歸德生于子文實在茲舜倫禮樂剋敘書詩口口驚異
矣管流氣良木其摧緬踰千祀口口存恕亡允諸靈意不有伊人孰
云脩置唯君體道布政優優白鳩巢室赤雀西樓仁罔不備智口
口周器冠後哲風邁前脩既繕孔像復立十賢誠兼岱宇勲盡重
玄仰聖儀之煥爛嘉鴻業之輝聯長無絕兮終古永萬億兮斯傳

興和三年十二月十一日口口功

碑拓本

邑主造像碑

大魏武定六年歲次戊辰九月己未朔十二日庚午邑主敬造石
像碑文

夫玄精曠遠妙理冲淡至道不廓幽蹟難覩故像物隱光出于懺
惚之中法相淪暉生于希夷之外瞰彼靈山結五子之遐想瞻茲
涿水闡九龍曰成津瞻其堂宇若穹曷之帶曜靈尋之杳莫若游
霞之登九霄口口正覺焉可究哉故佛弟子邑主

碑空人等導流
字木刻

荆宛靈光嵩洛據德衡口道冠中鼎然皆已生逢隘運形沈已壞
識果業之可崇知冥限之有期恐朝露之命觀太陽而旭晞草木
之年隨秋霜而降墜怙恃先靈罔極之效弗展幼子遐裔覆育之
恩靡託遂罄竭家資牽引邑義構像通衢崇慈寶業裝巖嶽谷之
濱條蕩平原之里背祀巨呂樹形跨關橋而建宇庶能使七世幽
魂游處天堂之中前亡後死免脫人難之苦爰及甯口口口相承
軒蓋重輝冕旒繼世入衛鉤陳出宰蕃岳台旣相望珪璋疊影奔
口口蔚流聲策素案策素猶竹素或云即策素非伏願皇道雍熙景命維新駿奔
口馳戎渠交口行蘆歌德霜翬被澤圖錄再炳升平吉始凡厥蒼
生咸蒙斯福乃作頌曰

聖者啟胤學道求真國王非寶儲二匪珍捐妻施子棄若遺塵金
軀靡惜嵩壑投身遂登正覺神通自然羣魔稽首靈冠諸天慈悲
万有光照大千苞綸曠劫仰之彌玄攝擾羣生有善有惡報應如

全名秀之老五十一
十一
贊隨心降禱，磬茲庶果，庶免鼎鑊，覬拔幽魂，遷神妙樂，伏願皇家，
景祚康延，解鞅桃林，釋轡華山，蒲車巖阿，訪逸求賢，孤竹舍薇，黃
綺執鞭，誹木旋設，諫鼓空懸，導茲邑義，采石嵩陽，是珠是育，樹此
福堂，勒碑啟像，跨臨崇岡，德之皎皎，千載流芳。
碑拓本

祝麴文

東方青帝土公，青帝威神，南方赤帝土公，赤帝威神，西方白帝土
公，白帝威神，北方黑帝土公，黑帝威神，中央黃帝土公，黃帝威神。
某年月某日辰朔日，敬啟五方五土之神，主人某甲謹言：七月上
辰，造作麥麴數千百餅，阡陌縱橫，百辨疆界，須建立五王各布封
境，酒脯之薦，已相祈請，願垂神力，勤鑿所願，使出類絕蹤，穴蟲潛
影，衣色錦布，或蔚或炳，殺熱火熾，日烈日猛，芳馥椒熏，味超和鼎，
飲利君子，既醉既暄，惠彼小人，亦恭亦靜，敬告再三，格言斯整，神
之聽之，福應自冥，人願無爲，希從畢永，急急如律令。
齊民要術七
案此文不

知時代姑
編入魏文

投書敦煌城東門

涼王三十年若七年

魏書沮渠牧犍傳初太延中有一父老投書于敦煌城東門忽然不見其書一紙八字

戲嘲陽休之

有觸藩之羝羊乘連錢之驄馬從晉陽而向鄴懷屬書而盈把

四十七陽尼附傳有人士戲嘲休之云

丹書

河西河西三十年破帶石樂七年

魏書沮渠牧犍傳又于震電之所得石丹書

玉印文

富樂日昌永保無疆福祿日臻長享萬年

魏書靈徵志下和平三年四月河內張超于懷

樓所城北故佛圖處獲玉印日錄印方二寸其文曰云云

外國

蠕蠕阿那瓌

阿那瓌醜奴弟正光初嗣位爲其族兄俟力發示發所敗南走
歸魏封朔方郡公蠕蠕王孝昌初號敕連投兵豆伐可汗終魏
之世塞外無塵齊受禪後爲突厥所破自殺

乞給兵送還磧北啟

投化蠕蠕元退社渾河旃等二人。呂今月二十六日到鎮云。國土
大亂。姓別住。迭相抄掠。當今北人。鵠望待拯。今乞依前恩。賜給
精兵一萬。還令督率。送臣磧北。撫定荒人。脫蒙所請。事必克濟。魏書
蠕蠕傳正光二年七月

吐谷渾拾寅

拾寅慕延兄子

上獻文帝表

奉詔聽臣還舊土。故遣良利守洮陽。若不追前恩。求令洮陽貢其

土物。魏書吐谷渾傳

車師國王車夷落

上書乞賑救

臣亡父僻處塞外，仰慕天子威德，遣使表獻，不空于歲。天子降念，賜遺甚厚。及臣繼立，亦不闕常貢。天子垂矜，亦不異前世。故緣至恩，輒陳私艱。臣國自無諱所攻擊，經今八歲，人民饑荒，無日存活。賊今攻臣甚急，臣不能自全，遂捨國東奔，三分免一。即日已到焉耆東界，思歸天闕，幸垂賑救。魏書車師國傳：真君十一年，車師王車夷落遣使陳進辭，直上書。

波斯國王居和多

上孝明帝書

大國天子，天之所生，願日出處常爲漢中。天子波斯國王居和多，千萬敬拜。魏書波斯國傳：神龜中，遣使上書貢物。

于闐國王

上獻文帝表

西方諸國今皆已屬蠕蠕奴世奉大國至今無異今蠕蠕軍馬到城下奴聚兵自固故遣使奉獻延望救援

魏書于闐國傳顯祖末蠕蠕寇于闐于闐患之

遣使素目伽上表求援

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後魏文卷五十八終

全後魏文卷五十九

烏程嚴可均校輯

釋氏

釋僧懿

僧懿本名太興景穆太子晃之孫孝文時襲父爵京兆王拜長子鎮大將入爲祕書監改封西河王轉守衛尉卿表請出家孝文詔太子爲之下髮施帛二千匹賜名僧懿居嵩山太和二十二年終

伐魔詔

并序

夫生在三界恆爲四魔所嬈沈淪生死遍在六趣若一得人身及聞經法譬見優曇喻值淨孔尋惟聖教實開心目懿身處下流元希彼岸直因生有惡此漏身心去志恭徒然無補略因愚管除剿四魔昔在年幼嘗作破魔露布文雖鄙拙頗爲好事者所傳自遷

都之後，寓在洛陽，忽于故塔之中，得此本文。時值今國都師尚在，金剛般若寺講聖髮經，輒已呈示。法師學涉內外，甚好文彩，乃更披經卷，賜示魔事，兼得擬符。氏釋道安檄魔文，共尋翫之。復竭愚淺，修改舊文，更作平魔赦重薦法師，更無嫌也。但安公檄文直推天魔，凡爲世患，經列有四。且天魔權變，非浮情所能測。煩惱陰死，爲患實深。輒更起伐魔詔慰勞文冠之。于初是日，前後不同。又頗繁重，冀信心君子，兩得行之。輒并編安法師檄文爲次，合爲一卷。門下僞魔，誅于茲曠劫。鷹跖四山，狼顧五道。心頑縱毒，常懷返噬。固守一隅，擁隔聲教。自大通已降，爰暨賢劫。雖百王繼踵，千聖相尋，威懷百途，獎導千計。猶不能遏彼邪心，息此異見。得使貪競相緣，瘋癡互舉。常結四生，終歸六趣。眷言斯瘼，實用傷懷。今原燎方，適浸潤有漸。無宜自寬，已致顛覆。可簡將練卒，隨機拯撲。勿使蒼生懷子復之歎。主者告下，時速施行。

奉伐魔啟

臣信相等言奉被詔書如右臣聞見機者則承風已先附守迷者必加威而後降是已舜舞干戚有苗自縛于王庭目連授弓則金地相圍之日故能斬伏心王塞靜樓觀身被忍鎧手挈浮囊棄所保之貨賄設禪悅之名飾宴彼奇將集此雄勇志有所規則無往不摧心之所向則無思不服四魔區區焉足已規慮哉但今聚結未散事須平蕩輒依分處星焉宿駕謹重申聞請可付外施行謹

啟廣弘明集三十八

慰勞魔書

告三界五道有識羣生等夫曦和迭駕盲者尚迷其光雷霆震響驚者猶惑其聽雖照屬理均而稟受道異致合法音擁于殊聞慈光做于異見昏痼相仍長迷永夜劫石有磷此緣無竭故我高祖愍此橫流心存拯溺體韞殊光口含異響開宏基于未前廓元覺

于有始故一闡洪猷則巨擘競馳再擇道教則羊鹿服御證無生
于曾襟戢寂滅于懷抱但年德推移心存靜定爰命皇儲紹隆大
業先帝藉此洪資纂我前緒積德三大累功塵劫心變冥機遊神
赴會身固舟囊波拯接出沒任情權旨自在故能超彼九劫降
此四天跨據一方威攝萬國八十年中刑措不用但時不我與聖
上遷化教迹道殊人懷異念卿等或是日種輪王世跨四域或是
月性高良忠貞不貳享三界之名宦保一時之榮祿但爵命難恆
時有否泰或因憍慢而喪家或由貪殘而失國故令後崩波流奄
然忘返遵彼邪源汎此愆海而使天魔承變作患于上方煩惱因
茲浸淫于下國或紫中陰于未生或馳五衰已告老終疲升降長
勤往沒幕府因機傑起英略超羣緯文經武體真練俗承百王之
洪規稟萬代之遺則履道居彼龍象扣此津門方當馳光上下俟
騎八維總括羣邪羅絡萬有籠三界于一身抗百綱于無外推拔

須彌翻波巨海，顛倒宇宙，迴易日月，使人天倒懸，水陸燹沸，然復塞其必我之心，開其子來之路，扇清風于塗炭，布同愛于無閒，平蕩三途，攝茲四有，威旨動之，福旨綏之，蕞爾小醜，焉足日語哉？卿等既爲所誤，沈淪日久，宜藉此時機，早建良圖，夫時難得而易失，機尚速而後悔，若得時也，則福祿競臻，如失機也，則敗捷爭及，故寶融享爵，事歸于先覺，公孫嬰戮，所敗于後機，此皆往事之高鑒，當今之軌轍，且智者處危，旨謀安，愚者臨成，旨致敗，成敗安危，在于時機，非降自天，抑亦人謀，今三車竚駕，寶藏初開，懸重爵，旨俟功，設天官，旨命哲，正是大士縱橫之秋，智勇獻功之日，與卿等同發還原，枝流異土，追維在昔，猶或依依，言念四魔，不覺撫劍，故先遣白書，略陳成敗，曾改迷途，尋光赴命，相與齊轡道場，比肩輪下，諮稟未聞，受教君子，友朋好合，不亦善乎，無宜大安，斯趣盤桓，遊逸，恐此生滅相尋，有無繼作，若三毒一馳，則義無怨親，四凶互出。

則天壽俱翦，雖欲保全，其可得哉？今善牙已建六軍，啟途出彼火宅，尋討未服，鼻斬之期，非旦即夕。幸體往意，時作出計，勿懷猶豫。濫嬰斯禍，臨路遣書，忽忽無盡。廣弘明集三十八

檄魔文

彌天釋道安頓首。魔將軍輪下，相與雖復玄徒殊津，人天一統，宗師雖異，三界大同。每規良集，伸其曩積，然標榜未宣，所已致隔。今法王御世，九服思順，靈網方伸，宏綱彌布，大通有期，高會在近，不任翹想，竝伸預意。釋道安頓首。夫時有通塞，否終則泰，千里相尋，萬師迭襲，昔我高祖本元天王，體化應符，龍飛初域，杖權刑目，部萬邦，奮慧柯，目伏六合，咸蕩四邪，掃清三有，方當抗宏綱于八區，互靈網于宇宙，夷靜七荒，寧一九土，但冥宗不弔，真容凝靜，重明寢輝，虛舟覆浪，故令蛇蟻煩興，鼻鏡競起，翳染真徒，塵惑清眾，虐被蒼生，毒流萬劫，怪道有情，異心同忿，我法王體運，應期理物，上

藉高貴下託羣心。秉玄機已籠三千。握聖徒而隆大業。雲起四宮。
鸞翔天竺。降神迦夷。爲法城。撫育黎元。善安卿士。匠導羣賢。慰
喻有疾。嚴慧柯于冑中。被神鉀于身外。愍十八之無辜。哀三空之
路絕。志匡大業。情必平難。百域干邦。高伏風化。承君久抱惑心。重
迷自覆。深執愚懷。固守僞見。狼據欲天。梟鳴神闕。昨換疆場。抗拒
靈節。謂天位可登。洪規可改。覽茲二三。遠爲難息。何者。大通統世。
則羣方影從。而僞天魔不遵正節。忤忤聖聽。塵撓神心。領卒塞虛。
其形萬變。精甲曜曦。霜戈拂日。靈鼓競。響衝方外。高步陸亮。自
謂強威。而王師一奮。羣邪殄喪。眾迷革心。望風內附。況君單將。僥
然一介。土無方。尋眾不成旅。而欲背理。違常。陵虛華邑。篡奪靈權。
勝常取信。曰僞忝真。可不謬乎。今釋迦統世。道隆初劫。妙化堂堂。
神羅遠御。智士邕邕。元算蓋世。武夫龍超。捉韃千隊。協略應真。奇
謀超拔。故命使持節前鋒大將軍。閭浮都督。歸義侯。薩陀波崙。獨

稟天姿，義陳玄覺，神高須彌，猛志籠世，善武經文，忠著皇闕，領眾四十萬億，揚鑣路首，故命使持節威遠大將軍四天都督，切利公，導師曇無竭，武勝羣標，文超隨夏，宏謀絕塵，心栖夢表，每憂時忘身，志必匡世，領眾百萬億，虎眈須彌，故命使持節征虜大將軍六天都督，兜率王解脫月妙思，虛元高步塵表，略竝童真，功侔九地，悼愍三塗，忿君縱害，援劍慷慨，龍迴思奮，眾五百萬億，鸞鳴天衢，故命使持節通微將軍七天都督，四禪天王金剛藏，朗志虛元，金顏遐矚，恩殊九錫，力傾山海，左顧則濛汜飛波，右眄乃扶桑落暉，德無不施，威無不伏，領眾七百萬億，雲迴天門，故命使持節鎮城將軍九天都督，十地大王維摩詰，奇算不思，法柯遠震，體合神姿，權象萬變，呼吸則九服雲崩，叱吒則十方風靡，威被下愚，慈辜酸楚，領眾九百億，飲馬靈津，故命使持節鑿復大將軍十九天都督，十住大士文殊師利，承胄遐元，形暉三曜，身自金剛，神高體大，應

適千途元算萬計羣動感于一身眾慮靜于一念深抱慈悲情兼
四攝領眾塵沙翱翔斯土故命使持節匡教大將軍十九天都督
錄魔諸軍事羣邪校尉中千王觀世音智略淵深慧網遐網明達
六通朗鑒三因或託跡羣邪耀奇峯起或權形二九息彼塗炭揮
手則鐵圍摧嚴嘘吸則浮雲頽嶠能爲十方作不請之益領眾不
思風吟虎嘯故命使持節撫化大將軍十方三界大都督補處王
大慈氏妙質從容天姿標朗體踰金剛心籠塵表猛志衝天慧柯
遠奮無生轉于智中權智應千事外志有所規往無不就威恩雙
行眞俗竝說領眾八百萬億嚴駕待命勇士之徒充盈大千金剛
之士彌塞八極咸思助征席卷六合乘諸度之寶軒守八正之修
路跨六通之良馬捉虛宗之神轡彎四禪之良弓放權慧之利箭
鳴騶浩浩輕步矯矯撫劍飛戈長吟命敵而將軍累世重光匡濟
帝業歷奉聖庭曾無有闕貴卽導師身子五百幽鑒天命秉受王

化聖上開襟皆授名爵封賞列土功侔舊臣聲蓋萬域而君何心
橫生異見偃蹇邊荒頑顧帝位毒害勃于蒼生災禍流于永劫可
不哀哉可不謬哉君昔因時荒爲物所惑狂迷君心投僞外竄百
行一愆賢達尚失久謂君覽智返愚歸罪魏象束身抽簪同遊羣
僞曰道自娛榮名終始仍執愚守惑偷安邪位託癡山曰自高恃
見林目遊思耽六欲之穢塵翫邪迷曰娛性建憍慢之高幢列無
明之凶陣闊步長塗輕弄神器盜竄天宮抗拒日月恐不異舉手
欲障三光抱土而填四海打鼓與雷爭音把火共電競耀雖擬心
虛標事難就矣然將軍植德元津原承彌遠暉華昞然羣下矚目
望貴之基易登由來之功可惜可改往修來翻然俛順誅過朱門
與道齊好家國竝存君臣俱顯取名獲安曉目達觀眷屬晏然可
不美與大師剋舉萬方矯轡手提法彘齊撫慧劍道柯輝耀于前
驅靈鼓震音于後隊神鐘一扣則十方遍覆海浪飛波則原陸湯

沸當爾之時，須彌籠爲微塵，天地迴爲一粟，無動安于左襟，妙樂握于右掌，神力若斯，豈可當哉！我法王體大仁慈，未欲便襲，權停諸軍，暫頓靈轡，臨路遺書，庶迴迷駕，可蚤定良圖，面縛歸闕，委命王庭，逍遙閒境，上方宰任，非君而誰？夫聖人上智識機，明哲免禍，窮而知返，君子所美，此乃轉福之高秋，取功之良節，昔夏桀無道，殷王致伐，商紂首亂，周武建師，此則古今之常軌，將軍之明誠，相與雖復形乖于當年，風流于道味，人天崎嶇，何足致隔，想便靈然，隨書投命，所目切痛其詞，委曲往久者，不欲芳蘭夏凋，翠柯摧穎，深思至言，善從良計，勿使君身傾住三檝，勿使六天深生禾莠，迅目仰眺，助情嗚然，臨紙多懷，文不表意，釋道安頓首頓首。

廣弘明集卅八

魔主報檄文

大夢國長夜郡未覺縣寤語里六自在主他化皇帝報檄于高座大將軍南閭浮提道綬撫大使佛尚書安法師節下音耗自遠喜

同暫接尋覓句味良用欣然方見大國之臣禮義高矣承將軍虛
心豁達密行淵元襟帶山河牢籠宇宙慮深宗廟憂及生民秀氣
千尋真心萬仞諒疾風之勁艸也亂世之忠臣也冀道遇則鄰彼
我非隔依從人事聊此報章昔周室既衰六國鼎沸漢朝運滅三
分天下或外夷侵叛毒被中原或內禍潛作殃及良善應期鵠起
達時豹變有之自古豈止今日惟蒼生繫積上天降禍釋迦皇帝
奄然登遐哀纏臣妾悲淡率土皇太子彌勒養德心宮滿月停山
深叢隱藥數鍾百六之世將虧九五之君諸侯姦猾猜忌相處一
十八部教軌參差九十六道樽俎迴互狼噬海濱梟鳴山曲左不
記言右不記事國憲朝典與霜露而凋零天墜帝壁同冰銷而葉
散臣怨民怒眾叛親離逃逝無歸踰岵長往竊謂數屬太平沐浴
朝化時逢亂世濟難干戈蓋乃通人之權變也謹率義兵發憤忘
食竝登山拉虎臨河斬龍緯武經文輕身重義社稷是所不圖也

天位非所傾望也。直曰：心城無主，耶戲塵勞，沓澁慾流，將心源而
共遠。恍惚大夢，與永夜而俱長。還因假寐，弔心伎罪。先遣聚沫大
將軍黃元侯，率空華之卒，策陽炎之馬，卽乾城之隅，結浮雲之陣。
戈甲昱爍，弓戟參差，鋒刃未交，服兵先敗。次命接響大將軍絳竹
公，領宮商之眾，據聲傳之谷，隨間隨翦。次命百和大將軍，領麝伯
領馨香之旅，乘風扞陣，千里無雲。次命六味大將軍，領肥美之卒，
爲面門都督，安滄溟之口，吞噬無遺。次命七驕大將軍，領細滑之
眾，戰鼓纒擊，身城瓦解。五軍前討，百戰恆捷。自天是祐，聲無不宜。
朕慮未窮，巢穴躬行問罪。戎衣旣整，出自空廬。發淵泉之智，動山
嶽之威。承妄想之兵，數盈兆載。竝潛神識海，隱影心山。命將元帥
案劍城旅，徵兵士卒，擎刀結陣，排空塞迴。烟飛霧集，莫不雄氣衝
天。吐妄雲于眞際，高風駭地。驚塵浪于性海，擊道品官軍。霜夜扞
鐔，一心旣沒，還源彌遠。六愛已然，宅火逾盛。縱橫前掠，腹背羅討。

六奇三略先蘊曾禱百步千尺本無橫陣遂雲消霧卷吾道興焉
于是分官置職行我風化救無廉驃騎虎踞貪山性澀將軍龍蟠
慳海贖恤之士水陸無寄救繫地郎將置陰陽之府情厯駙馬觀
伉儷之兵愛水暫流身城被漬欲火纒發天廟遭燒繕性將軍已
從焚溺救咆嘯校尉弓劍隨身鴆毒騰揚戈戟在手嚴毅士卒警
固賄城使平忿將軍銷聲剗跡救正勒御史且停監察隨眠武侯
安撫朝猷放蕩無明縱恣有待使精進一馬罷行四勤之路迦雷
二箭不射三空之門勇猛將軍風煙歇滅救覺觀大司馬置府初
禪邪思惟都尉列陣三有目心原未靜頻被風波禪杖欲茂再遭
霜雪安靜將軍埋身亂境救我見行高鎮陀那之嶺惑山萬仞疑
成百重討返還迷問津天路使觀身實相伸如羊角緣寂安業密
若魚鱗故毒動狂子酒醒醉客覆真金藏隱肥膩草博通將軍兀
焉如醉斯則率土之濱皆吾民也今十軍意氣五將英雄乘機廢

立成國宗廟。朕俛仰卽位。臨軒御宇。纂成王業。握圖受命。因弱之輪。無際足擬金輪。心與駿馱有餘。聊充緹馬。衣冠統二車。書已一方。扇長風于火宅。奮高車于門外。解釋甲冑。與民更始。將軍士卒竝亡智力。俱喪路窮。箭盡棄馬。焚舟蠖蝮舉臂。良可愍也。良可恥也。豈盜跖率卒。侵暴諸侯。孔丘冒陳。流汗反府。卽將軍之明誠也。皇太子彌勒代。即龍飛。朕汗馬歸朝。銜罪庭闕。將軍見徵。未敢聞命也。情深筆短。不能多白。冀歸高君子。相期于言外焉。波旬頓首死罪。廣弘明集三十八

破魔露布文

廣緣將軍流蕩校尉都督六根諸軍事。新除惡建善。王臣心賑。惠將軍善散子都督廣濟諸軍事。臣施繕性將軍。勉欲界都督。攝志諸軍事。司馬臣戒平忿將軍。蕩恚侯都督。洪裕諸軍事。行臺臣進安。靜將軍志念都尉。都督觀累諸軍事。攝散侯臣禪。博通將軍周

物大夫都督洞達諸軍事監照王智行宮謹案臣等間治靜泰平
兇徒有時日興化清去殺逆黨因之而作是日文命引狩于九圍
遇死魔于塗山頂生騰輪于六合值貪賊于忉利故使身滅知威
魂散闔越淪蕩他鄉退失尊位良由內挾姦邪外樹塵軌賞差信
功罰乖臣惡故也自世宗釋迦文皇帝晏駕固林條餘千載太子
慈氏阿逸多有事兜率未遑紹襲法城暫空梵輪無主塵域外叛
沙州弗貢遂使三界風驚六天烽起邪徒詭說翻成異俗僞自在
天主賊王波旬稟質昏精體襲邪氣我慢在心愛結盈慮矯奪慧
命竊弄神器放縱欲界闖闢皇境且其正教陵替內外相違姊妹
同姦千子貳志三女邪蕩邀我上宮姿態未施自貽伊釐又波旬
既習小道頗有才辨復諫飾非好是譏怒不用順子之言專從佞
臣之計伺國間隙乘釁來侵僞結使大將諸煩惱等因聖道消運
鍾八百光音無間十纏斯作遂陳欲兵于愛海策疑馬于高原控

轡于二見之域馳聘于無明之境值聖則卷跡高栖遇惡則馳據
中區負險重關觀時而設或志求榮利假寐權門或忿忿威眾專
行毒害意氣稜層固守方寸懦弱邊隅未識正刻方復假遣七使
傳車三障詭宣六條旨致殊俗愚者承教而濯纓智人棄之而澗
飲畜卒俟前儲烽候進偽四天大都督五陰魔等置宅于無始之
原卜居于有形之裏浮游于苦海之中放逸于火宅之時竊號躬
身假署六腑偷榮瞬息耽樂時頑元首未幾徒役無算飢兵始卒
流川遍野怖士愁人互山滿谷同惡相求輯結一方異類羣聚阻
兵三界偽署行臺有生賊王死觀兵五道置卒三途在生逆命處
老作寇五衰告期四生應世壅塞泉源杜絕颶災業力咆嘍丁危
脆目先馳三毒趁起策羣有而長逝安忍無親禍連九族威怒互
行戮及忠孝方乃忽聖誣賢欺眞枉正陷奔黎元羅絡凡庶妄計
若空目爲已有驟驚之勢謂固同金石者也目正月三十日黃昏

時有一人姓善，字知識，從道場來告云：賊去此不遠，宜急翦撲，不爾當爲大患。臣聞此語，未悉敬信。單駕羊車，轉軍化城，深修壅柵，自備而已。賊方于後夜遣一使來，多貢珍異，求結和好。臣知此賊勢若泡燄，智計莫出，意性狂勃，難可親近。弗與之言，抱恨而去。方多設詭計，欲來侵逼。卽日，月七日，向晨出方便門，頓解脫處，馳信郵，曰：深入徵羣，迷曰出海，纂集三昧，曰致一壘，冀蕩五陰，戒濤諸有，賊方恃固一川，拒抗皇威，其水彌漫，廣深難際，又值旋嵐傾勃，苞霰滂注，擊浪揚波，海神競涌，七等雜類，或飛或沈，夜又守途，羅刹泆津，杯簪流壘，覆沒善財，其欲泐泳，鮮不沈溺，又臨折阻，渙大築城，壘壁立，陞峻險閣，惟有一門，四垂幽谷，一人執戈，萬夫懼志，四果怯憚，辟支戰慄，遂集眾唱識，規望進擊，驟度能僉，曰：或可，卽勒軍士爲渡水，故備取諸草木，編曰爲棧，附令抱踏，橫波直進，臣等手案浮囊，泝流而往，固護無非，遂登彼岸，部分將士，修備兵車。

齊心戮力、驅馳往撲、卽遣安靜將軍領觀累之卒、據散亂之原、又使平忿將軍率洪裕之兵、塞怒谷之口、復令賑惠將軍引廣濟之眾、截慳貪之路、更勒博通將軍整洞達之士、守狂癡之徑、督師羅張、四面交侵、積戰告捷、不月而三行臺恐眾懈怠、不得競進、乃催厲六軍、置阿惟越地、而餘燼遊魂、偷安他化、驅率犬羊、欲來拒戰、乃假虎兕、目爲威招、熊羆、而自衛、異首別面之徒、吐風火而待發、擔山戴樹之類、方蟻聚、目齊衡、希進皇家、膺符受命、啟土塵劫、疊聖重光、享祚無窮、先帝鼎湖之日、顧命慇懃、專令文德、已來不許戰爭、而致幕府受詔之初、依敕而行、略設六奇、斷絕而已、但狂豎轉張、散亡逆節、雖遣逸多曉喻、都無悛心、乃更命將大權、徵兵十萬、嘗未浹辰、大淨郡土、資無畏、目履身、兼眾好、而獨拔龍蟠、道楛虎視、娑婆十號一宣、則四人應期、言教暫設、則二九雲集、遂擊法鼓、而出三空、建慈幢、目臨八難、講武大千、曜威萬域、神戈暫指、則

魔徒失膽，慧劍一揮，則羣邪俱斃。現道身而斬魔，因般若目戮煩惱，推波旬于不動之林，滅五陰于計性之境。然後蹙巢守穴，于不到處，巡伏隱身者，唯一人而已。遠處膏肓，非勇力攻及也。遂乃竄生死于寂滅之原，流老病于常樂之境。排三障于六通之衢，投十使于薩婆之城。元兇既梟，徒黨伏誅。自餘從者，並不追問。諸有誠心先款者，悉令解甲去鋒，編戶民例。投曰：遠號移之樂土，爲拔五箭。竝曰：善醫療除垢病，施慧湯藥。于時業風息吹，六塵勿起。祥雲四舒，靈禽翥翼。引八部而自娛，嚴四七目守衛。垂拱開堂，無爲而已。大覺天王等，好尚風軌，志存拔擢。援昔舊謨，慇懃諫誥。辭不獲免，默許敷奏。爾乃開甘露門，出入正道。千輻雲迴，來儀鹿苑。四天獻器于高掌，二商薦肴于兩謂。故緣行錄，勳則陳如先封。眞諦開賞，則邪舍繼襲。或朋類蒙榮，或兄弟感澤。皆不肖于初表，有德于十地。依準古禮，巡省方嶽。振旅六城，治兵八國。理怨于三天之上。

聞罪于九地之下，徵英傑于十中，會萬國于鷲嶽，華長剋疎，異十
勇出，于是啟寶藏，巨賑貧窮，出三車，日給諸子，撫納黔黎，寧諸復
業，乃身安一乘，心固磐石，據林晒水，宣揚皇澤，依恆說進，召集未
賓，仁風而宇，道光遐照，四面交通，化流無外，聽訟于中路，之域，汝
判于寶山之所，無量之威，遠震城獄，無礙之智，洞徹山河，故士無
二統，車書一軌，日月重光，天地清明，六萬之眾，解長圍，自從正，十
仙之徒，棄大河，日就秩，不動之賢，不遠千里，意樂之哲，應感而至，
工人率篋食于戶，城捷獸奉壺漿于長源，內外剋清，表裏咸泰，實
由道音四敷，餘波東訓，主上至心，羣僚深敬，稟承神規，殄茲兇醜，
豈臣智力所能剋感也，冀憑此一勳，漸望更進，方事前計，凱旋未
日，竝露布曰，聞臣等死罪死罪，廣弘明集三十八

平魔赦文

門下首圓，日派異緒，窪隆代興，信背千途，故智勝標宗，歷塵

劫而尚三、燈明啟教、經九中而未一、況乃邪徒僞見、駕刺禮于自然之原、結賊妄根、御形色于顛倒之境、目茲偏師、抗衡中道、眷言一二、良用憮然、自先帝升遐、寶祿無主、滄風漸熾、靈教異設、僞靡乘閒、充斥神邑、假變真容、妄談空有、驅役四生、周還六趣、畔渙欲天、狼戾愛地、毒被邊荒、虐流華夏、雖獫狁之侵宗周、凶奴之陵炎漢、未爲喻也、朕曰神昧、主自塵劫、幼齒參元、弱冠從政、班名于大通之年、驅騶于賢劫之下、荷百億之重任、忝三界之特尊、人天樂推、無所與讓、遂陟靈壇、受茲封禪、願唯多闕、有慚庶政、明發孜孜、不遑啟處、常恨邪境未清、正教無一、致使羣生、沈淪魔境、每一撫念、用廢寢食、遂命將徵兵、曰清時難、上藉三昧之土、下憑六度之師、控清方夏、大戡荒服、故六軍雷動、則三有雲消、慈施電馳、則四凶面縛、降附若塵、生擒萬計、唯波旬一人、單馬奔迸、百道截羅、繼不久、且令五道告清、宇外咸一、思與天下、同茲福慶、可大赦天

下與同更始、改像教之號、爲卽眞之歲、自二月八日昧爽已前、燬
粗見徒、悉皆原放、若爲四魔所誤、浮游三界、犯十惡五逆、毀經壞
像、三世所作、一切眾罪、能改過自新者、不問往愆、若亡命慾山、挾
藏姦器、百劫不自首者、伏罪如初、其殺父害君、傷兄烝母、隨時投
竄、自息後犯、其闡提一人、不在赦書、擯罪遙責、神速可乘、意驛遍
告十方主者、施行廣引明集
三十八

奉平魔赦文啟

卽眞元年二月八日、中書令補處王臣逸多宣、臣文殊等言、奉被
詔書如右、臣聞毀忠誦善、經千葉而不無、邪臣逆子、歷百代而常
有、是曰三監流言、伏罪于明時、五世背道、甘誅于聖世、故王威必
震、慶當于周邦、正教暫加、福歸于露鼓、伏惟陛下、慈兼百玉、智齊
千聖、乘瑞靈津、握圖元化、出沒動于大千、馳騁應于羣有、服微形
曰引愚迷、吼法音曰警譬、俗至乃刎身志道、釘體求經、析骸質禽、

委命降跌捨塵劫之危體收一生之妙質龍潛四天利見闊淨輕
彼七寶重此一乘撤翫深宮滅膳河側去寶冠于苦林質法衣于
獵士故能駕御四禪時乘六度殄服羣邪易于返掌三界無熾然
之警四生絕深溺之憂方復情存解網志尚宥愆十八來蘇萬國
幸甚謹重申聞詣可付外施行謹啟

廣弘明集
三十八

平心露布文

卽眞元年二月八日侍中臣文殊師利侍中臣薩陀波崙黃門臣
獅子吼黃門臣舍利弗黃門臣須菩提擬唯釋道行軍府謹奏平
心露布事擬使持節儀同三司領十二佐本將軍唯釋道行軍元
帥上柱國晉國公臣般若等言臣聞四魔放命歷代曰之爲鯁五
住遊魂含識因其致患是曰三明聖智十力雄尊莫不屢動偏師
頻行薄伐伏惟陛下乘大慈而啟運應冥感而赴期奄宅神區光
臨法海述前王之令典演眾妙于圓音攷列聖之玄謀會羣生于

淨國三千刹土，共稟威靈。百億類洲，同遵聲教。唯有僞心主阿黎耶，識擅假名器，叨竊生民。跨有乾城，綿歷年祀。遂窮迷于夢境，長夜不歸。縱極亂于空花，終年如醉。權攀緣爲藩屏之任，引戲論爲帷旆之臣。陷溺黎元，干擾鋒鏑。陛下應真利物，調俗御民。念此鯨鯢，愍斯塗炭。遂詔臣揚旌色野，問罪心庭。臣敢效庸虛，稟承奇略。去四月十六日，軍次心境。卽日其夜初更，與賊相見。臣于是潛機密會，玄契冥馳。集戈船于六度之津，命戎車于一乘之轍。屯營三月，揚清梵日伸威。列陣九旬，擊鳴鐘而作氣。阿黎耶識固重昏而莫曉，崔窳計而不移。譬螳螂之拒輪，等蜂蠆之含毒。乃遣僞恆行大將軍阿陀那識率無名之子弟，恃無賴之曾襟。據守乾城，與臣抗敵。又遣僞自性大都督迦毗羅仙僞執此大將軍迦旃延子，招引烏合，聚結蟻徒。搖蕩邊郵，邀揚聲勢。臣遂分布諸將，指麾策。遣擬使持節拔塵大將軍領四念處諸軍事，率道品縣開國公臣

求知擬使持節靈境大將軍領八正道諸軍事通眞縣開國公臣如實知部勒驍雄星流電轉從方便諸道靜緣邊之界臣求知等尋名討義躡影追蹤乍橫行于密室之間或轉戰于鄰虛之際事窮理絕域盡途殫冥宗所旨冰消數論于斯瓦解迦毗羅等知大乘之有在識玄統之所歸各將羸卒數千咸來請命臣哀其晚悟許旨自新卽令慈悲觀道士畢無緣隨便安養僞諫議大夫邳諱懷逸羣之思負出世之奇將全國旨效忠反危身而被繫臣曰此月十五日夜挾中軍之勇氣乘外敵之離心手抗干戈躬先士卒爰命擬使持節兜率大將軍娑婆道招慰大使上柱國翅頭末開國公臣阿逸多擬使持節閻浮大將軍天竺大都督天竺諸軍事上柱國富婁沙開國公臣婆敷槃豆並曰道邁三空神遊四辯使其招揚勝負曉喻是非又遣擬使持節平等大將軍兼行軍長史上柱國清涼縣開國公臣正念擬使持節遍滿大將軍兼行軍司

馬上柱國常樂縣開國公眞如與臣表裏玄同更相應接于斯時也邊秋氣爽塞月光寒旌旗共雲漢齊高鋒鏑與霜天比淨披弘誓駕圓通超兩觀而爭前排千門而竝入雖生死無際一念觀其濱涯塵勞有儔須臾見其崩潰僞丞相陳顯僞僕射慮思無計求生閻門自縊僞司空師子鎧僞司隸達磨多羅各擁餘師自嬰深壘狐疑競起猜詐萌生忍顛危而不見扶遂淪亡而莫能濟阿陀那與其僞主外無強援內寡深謀師旅困窮城池陷露君臣失色進退無依銜壁叩頭真樞待罪臣卽梟陀那之首釋邾誦之囚廢彼昏王立其賢嗣方使宗禋不絕永爲茅土之君世德相承恆修職貢之禮于是氛祲開蕩若和氣之泮春冰醜穢熾夷侶涼風之卷秋籜六根超絕不開亭障之虞三界寂寥無復風塵之警斯乃威光遠被士眾齊心豈臣微劣所能致此不勝慶快之至謹遣厚德府別將臣隲重知奉露布馳驛旨聞

廣弘明集
三十八

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後魏文卷五十九終

全後魏文卷六十

烏程嚴可均校輯

釋氏二

釋法生

法生宣武時洛陽沙門

造像記

夫抗音投澗美惡必酬振服依河長短交目斯乃德音道俗水鏡古今法生微逢孝文皇帝專心于三寶又遇北海母子崇信于二京妙演之際屢叨末筵一降淨心忝充五戒思樹芥子庶幾須彌今爲孝文并北海母子造像表情百申口口口口生自始王口口口口夙口歸功帝主万品眾生一切同福魏景明四年十二月一日比已法生爲孝文皇帝并北海王母子造像碑拓本

惠溪

惠深宣武時爲沙門統

上言立僧尼制

僧尼浩曠，清濁混流，不遵禁典，精麤莫別，輒與經律法師羣議立制。諸州鎮郡維那上坐寺主，各令戒律自修，咸依內禁，若不解律者，退其本次。又出家之人，不應犯法，積入不淨物，然經律所制，通塞有方，依律車牛淫人不淨之物，不得爲己私蓄。唯有老病年六十以上者，限聽一乘，又比來僧尼或因三寶出貸私財，緣州外又出家捨著，本無凶儀，不應廢道從俗。其父母三師遠聞凶問，聽哭三日。若在見前，限日七日，或有不安寺舍，遊止民間，亂道生過，皆由此等。若有犯者，脫服還民。其有造寺者，限僧五十以上，敢聞聽造，若有輒營置者，處已違救之罪。其僧寺僧眾，擯出外州，僧尼之法，不得爲俗人所使。若有犯者，還配本屬。其外國僧尼來歸化者，求精檢有德，行合三藏者，聽住。若無德行，遣還本國。若其不去，依

此僧制治罪秘書釋老志永平二年沙門統惠深上言詔從之

優波扇多

優波扇多一作伏陀扇多北天竺人宣武時傳譯法師

法勝阿毗曇心論序

今欲解釋阿毗曇心利益弟子故問曰不須解釋所曰者何古昔論師已釋阿毗曇心利益弟子故不須釋答曰不然應須解釋所曰者何古昔論師雖釋阿毗曇心太廣太略彼未學者迷惑煩勞無由能取我今離于廣略但先顯修多羅自性是故須釋問曰何故釋阿毗曇心利益弟子邪答曰彼中已說不顛倒法相釋不顛倒法相令彼覺悟真實是故離諸過惡生諸功德得勇猛第一義利問曰若如是者隨意解釋答曰我當解釋但諸師造論曰吉爲初一切吉中三寶最勝是故本師爲顯三寶少分功德故于論初先說此偈

釋跋承五

釋法術

法術宣武時洛陽沙門

造定光像記

永平三年四月四日比丘尼法術能用敬心造定光石像一區并
二菩薩口願永離口口無有苦患願七世父母口緣眷屬現在師
口亦口共福普令一切眾生咸同斯慶

僧略

碑拓本

僧略宣武時洛陽沙門

造彌勒像記

永平四年十月七日化和寺尼道僧略造彌勒像一區生生世世
見佛問法清信女周阿足願現世安隱一切眾生普同斯願

慧賜

慧賜孝明時洛陽沙門

造彌勒像記

正光三年九月九日比丘慧暘仰爲皇口大口師僧父母兄弟姊妹一切眾生做造彌勒像一區願同時成佛碑拓本

菩提達磨

菩提達磨姓刹帝利天竺王子梁大通元年即普通八年來至東土

與梁武語機緣不契度江來歸止嵩山少林寺明年終大通二年即孝

莊建義元年梁武帝追慕爲碑昭明爲祭文是爲初祖

真性頌

真極妙常
空理緣情性離
真極妙常

頌二十字回環讀成五言四
十首每首用韻四至俱通

釋曇暕

曇暕，永熙中沙門都法師。

深密解脫經序

夫至迹虛微，理包言像之外，幽宗神祕，旨絕名相之域。是曰大聖，秉獨悟之靈姿，鏡寰中之妙趣。實相廓然，與虛無齊其量。法性愴爾，與幽冥同其源。神輝潛應而不滅，萬相俱應而不生。然此之生也，生所不能生，此之滅也，滅所不能滅。顯既非有隱，豈爲無寂焉。而動動焉而寂，出沒無方，教迹星羅者矣。蓋深密解脫經者，乃兆聖之玄源，億善之淵府。論其旨也，則真相不二，語其教也，則湛然理一。義盡沖籍，文窮祕典。妙絕熙怡，包括羣藏。自非詮于理教，何旨顯茲深致。但東西音殊，理憑翻譯，非翻非譯，文義斯壅。所曰久纏而不顯者，良俟嘉運而光通矣。大魏皇帝總六合，統天包百王。曰馭宇道，邁義唐德，超古哲而每遊神覺，與妙甌大乘。思在翻

演鴻宣遐代時有北天竺三藏法師菩提留支魏音道晞會爲此
地之沙門都統也識性內融神機外朗沖文玄臧罔不該洞已永
熙二年龍次星紀月呂蕤賓詔命三藏于顯陽殿高陞法座披匣
揮塵口自翻譯義語無滯皇上尊經祇法執翰輪首下筆成句文
義雙顯旨包羣籍之祕理含眾典之奧但萬機淵曠無容終訖捨
筆之後轉授沙門都法師慧光曇靈在永靈上寺其律師僧辯居
士李廓等遵承上軌歲常翻演新經諸論津悟恆沙帝亦時紆尊
儀飾茲玄席同事名儒招玄大統法師僧令沙門都法師僧譯律
師慧顯等十有餘僧繼俗誦誦法事隆盛一言三覆慕盡窮微是
使深密祕藏光宣于景運解脫妙義永流于遐劫理教淵廓罔測
其源旨趣中絕焉究其宗所謂鹿苑之唱再興祇園之風更顯者
也靈雖識味忝廁倫末敢罄庸管祇記云爾

釋藏
常三

釋僧演

僧演西魏洛陽法師

造像記

夫大覺神遷非經像無以表其真益世闡時憑形質如取利然僧演減割衣鉢之資造石像壹區金像三區浮圖三級大般涅槃經兩部雜經三百部供養僧卅人上爲國主百僚師徒所生法界之類咸同正覺大統四年歲次戊午七月十五日比丘僧演敬造供養

碑拓本

洪寶東魏務聖寺沙門

張法壽造像銘

夫靈真玄廓妙絕難測非言莫能宣其旨非像無以表其狀言宣二六之教像迹四八之聯豈不淵玄沖漠魏魏惟極者哉是已務聖寺檀主張法壽能于五蓋重羅之下契斷恩愛塵勞之縉綱于

熙平二年捨宅造寺。宿願誓像。福不止已。願度法界。尋其羅絡。情苞聖境。自非藉因。積劫莫貴。累世者孰能發。茲宏開善行。耆焉息榮。遷脩和行。慈仁孝世。習精懿志。慕幽寂妙。真遐願刊石。建像釋迦。文佛觀音。文殊仰述。亡考平康。舊願復于像側。隱出無量壽佛。福洽法界。考妣等神。捨茲質形。悉稟淨境。同瞻障雲。覺道成佛。大魏天平二年歲次乙卯四月十一日。比丘洪寶銘。

釋僧昉

昉與和中鄴城沙門

解脫戒本經序

戒律者。建定慧之妙幢。殄闇惑之明燈。杜危險之蹊徑。開澹泊之梁津。寶殿之功。罔初弗起。踰越重閭。非梯靡升。正法住滅。驗之常典。大聖泯暉。邁餘千紀。法澤遐流。猶未周備。合文學之徒。異論競興。薄俗之士。訕音滿世。余聽斯談。輒開慈範。昧攬玄言。乃矚大集。

聖所嗟歎言迦葉毗妙觀我人善摧惱結閑邪辯正極聖冲典每
季斯文慨五數闕敢召追訪獲斯戒本雖未廣具敬召洗心翦世
浮辭大魏武定癸亥之年在鄴京都侍中尙書令高澄請爲出焉
釋藏傳九

曇林

曇林興和中鄴城沙門

善住意天子所問經翻譯記

夫法畱正像惟聖是依季行于此非賢豈伏三藏法師毗目智仙
出自烏菴刹利王種幼履慈蹤長臨悲跡攝化羣迷誠惡導善常
爲眾生不請之友執此法燈照彼昏暗魏皇都鄴崇福召資興和
二年歲次實沈佛法加持出此經典名善住意天子所問建午閏
月朔次丁丑戊寅建功乙巳畢功助譯弟子瞿曇流支對譯沙門
曇林之筆庶俟存道敬法之賢如實印記示令不惑耳

釋藏傳九

迴譯論翻譯記

迴譯論者龍樹菩薩之所作也。數舒盧迦三十二字。此論正本凡有六百。大魏都鄴興和三年歲次大梁建辰之月朔次癸酉辛卯之日。烏菴國人刹利王種三藏法師毗目智伽共天竺國婆羅門人瞿曇流支在鄴城內金華寺譯。時日所費二十餘功。大數凡有一萬一千九十八字。對譯沙門曇林之筆。驃騎大將軍開府儀同三司御史中尉勃海高仲密啟請供養。具記時事。曰彰曰聞。合樂法者。若見若聞。同崇翻譯矣。釋藏華三

業成就論翻譯記

大國將寧必感靈瑞。曰爲喜兆。鄴隍方盛。聖降神寶。曰爲祥徵。天親菩薩造業成論。出于今世。曰示太平。此乃大魏都鄴安國之兆也。法行有時。寄必得人。興和三年歲次大梁七月辛未朔二十五日。驃騎大將軍開府儀同三司御史中尉勃海高仲密眾聖加持。

法力資發誠心敬請三藏法師烏菴國人毗目智仙其天竺國婆羅門人瞿曇流支釋曇林等在鄴城內金華寺譯凡四千人百七

十二字

釋藏
卅九

轉法輪經翻譯記

轉法輪經如來初說優波提舍義門之名天親菩薩之所開示佛說爲誰憐陳如等義行此方必主其人魏驃騎大將軍閻府儀同三司御史中尉渤海高仲密善求義方選真棟僞故請法師毗目智仙并其弟子瞿曇流支于鄴城內在金華寺出此義門優波提舍與和三年歲次大梁建酉之月朔次庚子十一日譯三千九百四十二言沙門曇林對譯錄記

釋藏次
十一

三具足經翻譯記

施戒問三備攝眾行是已如來說名具足法門深遠淺識未窺天親菩薩慈心開示唯顯經義弗釋章句是故名爲優波提舍昔出

中國今現魏都三藏法師毗目智仙婆羅門人瞿曇流支受敬法
人沙門曇林于鄴城內在金華寺興和三年歲次辛酉月建在戊
朔次庚午十三日譯千百十言驃騎大將軍開府儀同三司御史
中尉渤海高仲密啟請供養守護流通

釋藏
卷十

毗邪娑問經翻譯記

菩薩方便攝化眾生必曰大悲引邪從正毗邪娑仙即其人也爲
導羣迷令識因果將諸異見至如來所歸命諮啟聽聞正法因其
請說即曰名經故此部爲毗邪娑問魏尚書令儀同高公愍諸
錯習示其歸則簡集能人善辭義者在宅上面出此經典求正法
人沙門曇林婆羅門名瞿曇流支興和四年歲次壬戌月建在申
朔次乙丑建功辛巳甲午畢功凡有一萬四千四百五十七字

推
九

奮迅王問經翻譯記

一切菩薩功德普修依德立名字號平等隨所顯發稱謂不同說
法問論多依自字故奮迅王問奮迅法如來爲說四種奮迅其有
人能具此奮迅則于一切皆能奮迅魏尚書令儀同高公今欲目
此四種奮迅于一切處普奮迅故置能譯人在宅上面出此四種
奮迅法門沙門曇林瞿曇流支興和四年歲次壬戌月建在申朔
次乙丑甲午之日啟夾創筆凡有一萬八千三百四十一字

釋藏發九

金色王經翻譯記

釋迦如來本生無量且于一時作金色王檀行因緣自致成佛說
施法門引彼爲證因名此經爲金色王魏尚書令儀同高公敦捨
之心往齊金色爲開此門普示一切嚴宅上面出斯妙典沙門曇
林瞿曇流支興和四年歲次壬戌月建在酉朔次乙未癸丑日譯
乙卯畢功三千五百一十四字

釋藏忘九

第一義法勝經翻譯記

夫愛法者必深種善根。涅槃經云：供佛二恆。魏尚書令儀同高公重法心成，生上財想，博采梵文，廣崇翻譯。且第一義法勝經者，諸法門中此其髓也。公意慇誠，感之題額。沙門曇林、瞿曇流支與和四年歲次壬戌九月一日，甲子換文，始末四功，質義乃定五千五百七十六字。釋藏

順中論翻譯記

真七

諸國語言，中天音正。彼言那伽夷離濱那，此云龍勝名，味皆是上世德人言龍樹者，片合一箱，未是全當。龍勝菩薩通法之師，依大般若而造中論，眾典于義包而不悉。大乘論師名阿僧佉，解未解處，別爲此部。魏尚書令儀同高公延國上賓瞿曇流支，在第供養正通佛法，對譯曇林，出斯義論。武定元年歲次癸亥八月十日丙寅，揮餘凡有一萬三千七百二十七字。釋藏

寶髻經四法優波提舍翻譯記

釋藏

移四

寶髻經者是大集中之一集也。其宗四法。玄深奧密。天親菩薩略開其門。是故名爲優波提舍。聖自在力行之。彼古時人處會出于此。今興和三年歲次辛酉九月朔旦庚午之日。烏菴園人刹利王種三藏法師毗目智仙。中天竺國婆羅門人瞿曇流支護法。大士魏驃騎大將軍開府儀同三司御史中尉渤海高仲密。愛法之人沙門曇林。道俗相假于鄴城內金華寺。譯四千九百十七字。撰藏

不必定入定入印經翻譯記

出世智道亦名爲印。此經印義。或然不然。私情有指。未許官用。何者私情。今且當向發心修行證會。名入所乘。強劣有定。不定。聖說定入。說不定入。言義如是。決定名印。說如是故名如是。經其門要密。通必有寄。魏尙書令儀同高公。深知佛法。出自中天。翻爲此典。萬未有一。采揀集人。在第更譯。沙門曇林。瞿曇流支。興和四年歲

次降婁月建在戌朔次甲子壬午之日出此如左九千一百九十

三字

釋藏法

闕名

道行經後記

光和二二年十月八日河陽洛陽孟元士口授天竺菩薩竺朔佛時
傳言譯者月支菩薩支謙時侍者南陽張少安南海子碧勸助者
孫和周提立正光二二年九月十五日洛陽城西菩薩寺中沙門佛

大寫之

釋藏跡七

正法念處經序

夫域中之名四等道之所生萬殊名蓋眾名之假生非有生之實
然則修促共盡小大同期而金字絲編緝交素篆分途列道門張
戶設既昧斷惑之境未接息言之路詎能探神測妙苞總無邊有
聖將應靈因曠遠志遺髮膚施單城國及繁星駐綵夕馬騰空出

四門曰結念屬三夜而圓果十力在己八解俱照智兼一切慈洽
萬方既而法吼傍震甘露降灑鷲山祇樹之下鹿苑遶河之地眾
出恆沙徒繁林竹反窮迷目升極啟重昏于燈炬雖鶴林興慕檀
薪已然教義不忘風聲逾被壽陵仰丹素之工清臺寫金玉之質
冰骨流輝圓閣加等遺契餘旨薄傳前載幽宗絕唱方備茲辰使
持節大將軍領中書監攝吏部尚書京畿大都督渤海王世子高
公道風虛邁神矜峻遠負日月于中衛擊雷霆于上路德表生民
作舟梁于夷夏器含羣物制天淵于廟堂殊流共委酌而不竭異
軫同驚仰曰知歸黃扇南陽鈴閣東啟則有高士通才幽人偉器
機其漢爵之重鄙其南岳之遊曳裾高步自得門下俱中前趣之
理並應卻行之眷蓋曰書奏多方術呈異等或披卷而止或一貫
獨得每畱神釋典洞叩玄門曰夫照壁瀉瓶遺文必舉非徒九部
盡止十二邊矣西方路超百宿精力苦心不憚重繖故能法藏流

行異聞俱湊，爰有舍城妙說，時將感通，法螺貝葉，響授斯在，從善業之本，極身念之際，標品有七，明義者五，至如違俗絕世，託想菩提，眷彼天人，深嗟鬼畜，鑒茲因果，冥心是緣，篤誠修行，又悟前旨，載懷依仰，形殊理一，大覺下臨，照然獨曉，四攝六通，網羅羣智，贊揚妙德，事屬斯文，直曰風殊俗舛，詞翰乖絕，傾耳注目，隔若山河，將恐靈教有虧，玄旨多墜，有婆羅門人瞿曇流支，比丘曇林僧昉等，竝鉤深索隱，言通理接，延居第館，四事無違，乃譯明茲典，名正法念處，起自興和歲陽玄默，終于武定淵獻之年，條流積廣，合七十卷，微言不沫，弘之在我，大崇覺典，克宣靈迹，此乃濟四部于法橋，潤六塵于定水，心殷業重，無德而言，雖龍樹不追，馬鳴日遠，申法尊道，夫豈異昔，所曰緇素擊節，雅俗傾首，義有存焉，永法三界云爾，釋藏非一

道士

嵩岳鎮靈集仙宮主

表天曹

自天師張陵去世已來地上曠誠修善之人無所師授嵩岳道士

上谷寇謙之立身直理行合自然才任軌範首處師位

魏書釋老志寇謙之

守志嵩岳曰神瑞二年十月乙卯忽遇大神乘雲加龍集止山頂稱太上老君謂謙之日往辛亥年嵩岳鎮靈集仙宮主表天曹

云云

李諱文

諱文號收主師自云老君之玄孫于漢武之世得道爲牧土宮

王

授寇謙之爲內宮太真太寶九州真師誥

吾處天宮敷衍真法處汝道年二十二歲除十年爲竟蒙其餘十

二年教化雖無大功且有百授之勞今賜汝遷入內宮太真太寶

九州真師治鬼師治民師繼天師四錄修勤不懈依勞復遷賜汝

天中三真太文錄、劾召百神、曰授弟子文錄有五等、一曰陰陽大宮、二曰正府真宮、三曰正房真宮、四曰宿宮散宮、五曰竝進錄主壇位禮拜衣冠儀式、各有差品、凡六十餘卷、號曰錄圖真經、付汝奉持、轉佐北方泰平真君、出天宮靜論之法、能興造克就、則起真仙矣、又地上生民、末劫垂及、其中行教甚難、但令男女立壇宇朝夕禮拜、若家有嚴君、功及上世、其中能修身練藥、學長生之術、卽爲真君、魏書釋老志泰常八年十月戊戌有收主師李諧文來臨嵩岳道弟子宣教云嵩岳所統廣漢平土真鶴里曰授謙之作誌
日云云

寇謙之

謙之、字輔真、上谷人、南雍州刺史讚弟、入嵩山修道、稱天師、始光初、至京師、崔浩師事之、太平真君九年卒

奏請至道壇受符

今陛下曰真君御世、建靜輪天宮之法、開古曰來、未之有也、應登

受符書，曰彰聖德。

魏書釋老志：眞君三年，謙之奏。

明進士出身，一品銜廣東等處提刑按察使司按察使兼管驛傳事務黃岡王毓藻校刊。

全後魏文卷六十終